

डेडरिया छोड़ छिलरिये री आसा,
डेडरिया रे वीरा,
तजदे छिलरिये री आसा,
यो तो छिलरियो घड़ी पलक रो,
कर ले समंद में वासा,
डेडरिया रे वीरा,
छोड़ छिलरिये री आसा ॥

कागा बगुला, सरप बिलावा,
गिने रे तुम्हारी साँसा,
यो तो छिलरियो घड़ी पलक रो,
कर ले समंद में वासा,
डेडरिया रे वीरा,
छोड़ छिलरिये री आसा ॥

तू तो दौड़े दौड़े मछरा रे लारे,
थारा करे है बिनाश,
यो तो छिलरियो घड़ी पलक रो,
कर ले समंद में वासा,
डेडरिया रे वीरा,
छोड़ छिलरिये री आसा ॥

आ थो काया थारी काम नहीं आवे,
ऊपर उगसी घासा,

यो तो छिलरियो घड़ी पलक रो,
कर ले समंद में वासा,
डेडरिया रे वीरा,
छोड़ छिलरिये री आसा ॥

इँण छिलरिये में दुखड़ो घणरो,
बण जागा दासा का दासा,
यो तो छिलरियो घड़ी पलक रो,
कर ले समंद में वासा,
डेडरिया रे वीरा,
छोड़ छिलरिये री आसा ॥

हंस संग रेहनो बुगे संग तजणू,
रेवो गुरां रे पासा,
यो तो छिलरियो घड़ी पलक रो,
कर ले समंद में वासा,
डेडरिया रे वीरा,
छोड़ छिलरिये री आसा ॥

डेडरिया छोड़ छिलरिये री आसा,
डेडरिया रे वीरा,
तजदे छिलरिये री आसा,
यो तो छिलरियो घड़ी पलक रो,
कर ले समंद में वासा,
डेडरिया रे वीरा,
छोड़ छिलरिये री आसा ॥

Upload By Vishnu Dev
9660616292

Source: <https://www.bharattemples.com/dedriya-chod-chilriye-ri-aasha/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>